

Guangjisi Minzcu Bau

ganhhau: CN45-0036 B.2017 Nd.1 Ng.18 liggaeuq bingjsaen nienz ndwenlab ngeih'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3258期

Ningzmingz Gveizdangz Cunh Guh Hong Cuengh Gun Song Vah Saw Huzndei Sawqdiemj Cingzyauq Yienhda

宁明墟塘村开展全国壮汉双语和谐试点工作成效显著

Bi 2015 ndwen 11, Cungzcoj Si Ningzmingz Yen Cwngzcungh Cin Gveizdangz Cunh ndaej dingh baenz daengx guk 7 aen minz Gun song vah saw lajmbanj(segih) sawqdiemj danhvei ndawde aen ndeu. Bi lai daeuj, hong Cuengh Gun song vah saw huzndei sawqdiemj aen cunh neix cingzyauq yienhda.

It dwg gij leixniemh Cuengh Gun song vah saw huzndei cugyamq haeujlaeg simvunz, ginggvaq swcigih, yienh, yangh daegbied dwg youq mbanj suhgi daih'it caeuq cunh ganbu ciengzseiz haeuj mbanj guh hong senhconz Cuengh Gun song vah saw huzndei, hawj gij gvanhnen caeuq yisiz minzcuz doxgiet, vahgangj bingzdaengj

ganbu vunzlai Gveizdangz Cunh ndaej dem'ak, caemhcaiq youq bingzseiz guh hong gvaq saedcej gagrox bae guh.

Ngeih dwg ganbu vunzlai gak cuz Gveizdangz Cunh gagnyienh gagrox hagsib caeuq yungh vah saw guekgia doeng'yungh nem Vahcuengh Sawcuengh, ndaw mbanj Vahcuengh caeuq vah saw guekgia doeng'yungh nem Begvah, Vahmaxgai, Vahvengz-dangz vahdeihfueng Vahgun dox nyinhdoengz, gvanhaeh huzndei.

Sam dwg ganbu vunzlai gak cuz Gveizdangz Cunh yungh vah saw guekgia doeng'yungh ndaej daezsang haemq hung. Riengzdwk densi, souj-gih, vangjdoxlien cugyamq cienzdoh nem lajmbanj gak cuz vunzlai guh hong

gvaq saedcej aeu yungh. Seizneix, ndaw mbanj gak minzcuz vunzlai doxgyau seiz gagrox yungh Vahbuj-dungh caeuq Begvah vahdeihfueng Vahgun yienhsingz doeng'yungh haenx, miz yied daeuj yied lai vunz gak minzcuz rox Vahgun Sawgun.

Seiq dwg vwnzva Vahcuengh ndaej baujhoh, swnjienz caeuq hwnghat haemq ndei. Lai bi daeuj, binaengz ndwencieng, liggaeuq sam nyied sam, daegbied dwg liggaeuq ndwen roek ngeihseiq ciet gobo Gveizdangz geizgan, vunzlai gagfat eu fwen, diuq fouxgvangjangz lienhdang, dwk lanzgiuz daengj hozdung lai cungj lai yiengh.

(Liu Hihfangh/廖熙芳
Sinh Gyahbingz/申家萍)

Sanhgyangh: Daizheiq Mbanjdung Guh Baenz Coux Ciengmoq



三江:侗寨戏台落成迎新春

1 nyied 15 hauh, Sanhgyangh Duncuz Swciyen Bazgyangh Cin Gauhmai Cunh Mbanj-gveihcoz banh daizheiq moq guh baenz gingdenj, vunzlai mbanj henzyawj yungh ciengq Heiqdung, doiq fwen, dohyeh, ngaizbakranz, aenvenz caijdangz daengj fuengsik angqhoh, langhbaij gij fungcingz Duncuz naek-gywg, angqcoux bi moq. Daizheiq dwg ciengzdieg youqgaenj gizdieg Duncuz ciengq Heiqdung, biujyienj minzsuz gofoux he. Ndw doz dwg vunzlai boq aenvenz coux bouxhek.

(Vuz Linyin/吴练勋)

Hocouh: Cunhyin Simndei Yizcan Vih Vunzlai Dauq Ranz Gunhawj Fugsah Raejsim

贺州:春运爱心驿站为返乡群众提供暖心服务

Bi 2017 cunhyin daj ndwen 1 ngoenz 13 hainduj daengz ndwen 2 ngoenz 21 sat, haujlai bouxguhng youq gizdieg Cuhsanhgoz guh hong haenx naengh cimohdoz dauq Guengj-sae, Huznanz, Yinznanz, Gveicouh daengj mbanjranz. Cunhyin geizgan, Hocouh Si gungh youq roenloh youqgaenj gvaq ndaw gyaiq haenx laeb miz 6 aen cunhyin simndei yizcan, vih bouxguhng naengh cimohdoz dauq ranz gvaq roen haenx gunhawj fugsah raejsim. Hocouh Si gungh'anh, gyaudoeng daehyinh, veigiveij, cungj-

gunghvei daengj siciz danhvei caeuq bouxguhng, bouxgagnyienh lai aen giyez simndei youq simndei yizcan, vih bouxguhng gag naengh cimohdoz dauq ranz haenx gunhawj huqlaex simndei, yihliuz gouqbang, byoq feiz gangq buh, raemx raeuj gijwn raeuj, coih cimohdoz daengj fugsah raejsim mbouj aeu cienz.

Hocouh Si diegyouq daegbied, binaengz cunhyin geizgan miz haujlai vunz naengh cimohdoz dauq ranz, gawq dwg daegsaek hong guenjieix gyaudoeng Hocouh Si, hix dwg aen

nanzdaez he. Gaenh bi neix daeuj, Hocouh Si gyaudoeng bumwnz lienzhab gak mizgven cizwngz bumwnz, giyez caeuq vunzlai ndawbiengz, dawz cimohdoz simndei camhfugsah aen binjbaiz fugsah neix guh hung guh ak, ndaejdaengz gwnzbiengz haenhndei. Hocouh Si Veiswng Giswng Veij, Giswng Hezvei nem yihliuz danhvei gaenxmaenx camgya, vih vunzlai dauq ranz ginggvaq haenx gunhawj yihliuz gouqbang, cam cwngcwz nem huqlaex simndei ndwencieng daengj fugsah.

(Liz Cujdez/黎祖叠)

SIUSIK DINJ

简讯

● 1 nyied 11 hauh, Gunghcwngz Yauzcuz Swciyen Yinzvujbu caeuq minzcwnz bumwnz dangdieg gapbaenz veivwncuj bae daengz Gyahvei Cin, Bingzanh Yangh, Gungh-cwngz Cin, soengq gij bauqheij bae hawj ndaw ranz bouxbing ndaej 2016 nienz-doh samdaengjgoeng haenx, camnai ranz bouxbing ngamq bae dang bing haenx, caemhcaiq soengq gij hohfuk bi moq caeuq cienzcamnai nem doxgaiq bae hawj gyoengqde.

(Liengz Veih Lij Mouyangh)

● Gaenh bi neix daeuj, Yungzsuij Myauzcuz Swciyen haenqrengz hwnghat yawj gingjsaek lijyouz nungzyez, yungh gij vunqsik "gyaeujlungz giyez + hoz-cozse + ranzgunghzhoj" cujeiz diegnamh riuzcienj, haifat youqndwi gvaq gyajgeiz gingjih, mbaetsou gva mak daengj hanghmoeg, hawj gyoengqvunz rimhoz youqndwi doengzseiz hix bang-rengz cingcinj bangfuz.

(Lungz Dauh)

● 1 nyied 10 hauh, gyoengq vunzlai siusiq minzcuz Libuj Yen Lungzbeih Yangh youq gyang haw senjleh doiq cieng. Mboengqneix, aen yienh neix haiguh soengq doiq cieng hawj vunzlai hozdung mbouj aeu cienz, ndaw yienh gyoengq boux ak sij saw mauzbit haeuj gai haeuj mbanj, soengq doiq cieng hawj vunzlai diegbya mbouj aeu cienz, cau ok gij heiqfaenh ciengmoq cietndei.

(Cough Cinyenj Liz Cinyungj)

● Yungzanh Yen dwg dieg ndaem oij cujyau he, daengx yienh ndaem oij mienhcik daengz 5.4 fanh moux, 2016/2017 geiq guj-suenq miz oij haeuj cangj daengz 20 fanh dun, canjeiz mauhgyaq 1 ik maenz ngaenz, ndaem oij dwg vunzlai gungzhoj dangdieg vut gungz baenz fouq canjnieb cujyau ndawde cungj he.

(Danz Gaijhingh)